

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Pse bankat evropiane po e heqin arin e tyre nga SHBA-ja?
ADRESA	https://boldnews.al/2026/09/18/pse-bankat-evropiane-po-e-heqin-arin-e-tyre-nga-shba-ja/
BURIMI	boldnews.al
GJENDJA	online

KOHA


KAPUR NGA NE	18 shtator 2026, 09:08:39 UTC <i>Dritarja jonë e pasigurisë: ± 300 s — intervali me të cilin e kontrollojmë këtë burim.</i>
DEKLARUAR NGA PORTALI	18 shtator 2026, 09:04:29 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	8bd4ddcd949863e042a7eb380da7a10c079604cc543f0c40da282ba03fb6aeb8
TEKSTI	69c8dd487b153a87dd1ffe68cf5a14716dcd7125b02468e0cb1fa2012d4c80b2
PAMJA	9ed8ea353919a30cf8bd344164132fabea894f4ecd8b82eec4c1c548a6883d62

ZINXHIRI I PROVËS

KJO HYRJE	79fffa7dfe05e207d40f24eddb07e03d0c362c80b7b23009e55d371b830cded9
E MËPARSHMJA	—
RRËNJA MERKLE	219f872b2d436154cbce21b1357d2a6f04cc2d43ba2a7914d91c1ebdf0665477
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

https://scan.stamles.eu/verify/79fffa7dfe05e207d40f24eddb07e03d0c362c80b7b23009e55d371b830cded9

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

Fillimi > BOTA

Pse bankat evropiane po e heqin arin e tyre nga SHBA-ja?

11:04 : 18/09/2026 në BOTA



Fort Knox, kompleksi i fortifikuar në shtetin e Kentakit, ku ruhen rreth gjysma e rezervave të arit të qeverisë amerikane, është sinonim i sigurisë maksimale. Shprehja “si Fort Knox” përdoret për të përshkruar diçka që është jashtëzakonisht e sigurt dhe e mbrojtur mirë. Megjithatë perceptimi i Shteteve të Bashkuara si një vend i sigurt për ruajtjen e arit duket se po zbehet.

Vendimi i fundit i bankës qendrore holandeze për të zhvendosur rreth 86 tonë ar nga Nju-Jorku në Londër nxori në pah shqetësimet në rritje të disa qeverive lidhur me ruajtjen e aseteve strategjike në SHBA dhe nëse ato do të mund të ishin lehtësisht të aksesueshme në rast krize.

De Nederlandsche Bank (DNB) përmendi “paqëndrueshmërinë gjeopolitike” si arsye dhe tha se shpërndarja e arit në vende me juridiksione të ndryshme do të përmirësonte “gatishmërinë për kriza”.

Edhe Franca hoqi të gjithë arin e saj që kishte mbetur në Rezervën Federale të Nju-Jorkut midis korrikut 2025 dhe janarit 2026. Megjithatë guvernatori i Bankës së Francës, François Villeroy de Galhau, deklaroi në atë kohë se vendimi nuk kishte motive politike.

Ndërkohë, disa politikanë në Gjermani dhe Itali, vende që zotërojnë respektivisht rezervat e dyta dhe të treta më të mëdha të arit në botë, kanë kërkuar që edhe ari i vendeve të tyre të tërhiqet nga SHBA. Këto thirrje vijnë mes shqetësimeve për politikën e paparashikueshme të administratës Trump dhe qëndrimit gjithnjë e më kritik të saj ndaj Bashkimit Evropian, përfshirë kërcënimet për të aneksuar një pjesë të territorit të tij në Grenlandë.

Lexo edhe:

[Rusia dhe Kina vendosin veton ndaj SHBA-së në OKB, bllokohet monitorimi i sanksioneve ndaj Iranit](#)

[“Nuk kam lobuar për veten”/ Berisha tregon prapaskenat e heqjes së ndalimit në SHBA](#)

Etja për ar

Sebastien Tillett, analist në Oxford Economics, thotë se për bankat qendrore evropiane, sekuestrimi i drejtpërdrejtë i aseteve të tyre përbën një “rrezik jashtëzakonisht të vogël”. Megjithatë, sipas tij, po shtohen shqetësimet për mundësinë e qasjes së shpejtë të këto asete në një epokë pasigurie gjeopolitike. “Shqetësimi më i rëndësishëm është se asetet e mbajtura në një juridiksion tjetër mund të bëhen përkohësisht të paarrtshme në një skenar ekstrem

TË GJITHA



Pse bankat evropiane po e heqin arin e tyre nga SHBA-ja?

11:04 : 18/09/2026



Përfshihet nga flakët automjeti në një parkim nëntokësor në Fier, banorët në panik

11:00 : 18/09/2026



Shkuan në Hagë në mbështetje të ish-krerëve të UÇK-së, 50 veteranët mbërrijnë në Portin e Durrësit

10:53 : 18/09/2026



Përplasje në orët e vona të natës mes Bardhit dhe Zegjinesë: A u martove Gazo...

10:42 : 18/09/2026



Pak orë pas miratimit në Kuvend/ Begaj dekreton ligjin për pagat e magjistratëve

10:40 : 18/09/2026



Tabaku i kujton Ramës 110 ditë protesta: Provo dil, të tërheqin zvarrë...

10:21 : 18/09/2026



Shqipëria e dyta në Europë për vështirësitë e jetesës/ Gjysma e shqiptarëve mezi mbyllin muajin

10:08 : 18/09/2026

sanksionesh, problemesh ligjore ose krizash gjeopolitike”, tha ai për DW.

Krishnan Gopaul nga Këshilli Botëror i Arit (World Gold Council) thotë se, në përgjithësi, bankat qendrore në mbarë botën kanë blerë gjithnjë e më shumë ar që nga kriza financiare globale e vitit 2008 dhe po i kushtojnë vëmendje në rritje vendit dhe mënyrës së ruajtjes së tij. Si rezultat çmimet e arit kanë arritur nivele rekord.

Një sondazh i fundit i Këshillit Botëror të Arit tregoi se bankat qendrore kanë shtuar mesatarisht 1.000 tonë ar në vit gjatë katër viteve të fundit, krahasuar me një mesatare prej 500 tonësh në vit gjatë dekadës së mëparshme.

Sipas Gopaul kriza financiare globale e vitit 2008 u pasua nga kriza e borxhit sovran në eurozonë, më pas nga një sërë krizash politike, pandemia dhe trazira të vazhdueshme gjeopolitike e konflikte. Kjo ka bërë që ari të fitojë rëndësi të re si një aset i sigurt në kohë pasigurie. “Gjatë dy dekadave të fundit kanë ekzistuar, në forma të ndryshme, pyetje dhe shqetësime lidhur me sistemin financiar global dhe gjendjen e gjeopolitikës”, thotë ai.

Zhvendosja e arit proces kompleks, i rrezikshëm dhe i kushtueshëm

Vendimet e Holandës dhe Francës për të zhvendosur arin e tyre nga SHBA-ja drejt Evropës tregojnë se tani vëmendja është përqendruar jo vetëm te sasia e rezervave, por edhe te vendndodhja e tyre, në mënyrë që ato të mund të përdoren shpejt dhe lehtë në rast të një krize të re.

Bankat qendrore, qeveritë dhe fondet sovranë të pasurisë mbajnë rezerva fizike ari në vende të ndryshme. Zhvendosja e tij mund të jetë një proces shumë kompleks, i rrezikshëm dhe i kushtueshëm, ndërsa mundësia për ta shitur ose shkëmbyer me valuta apo asete të tjera varet shpesh nga vendi ku ruhet.

“Bankat qendrore po i kushtojnë më shumë vëmendje jo vetëm llojit të aseteve që zotërojnë, por edhe vendit ku i mbajnë ato, kryesisht për të rritur qëndrueshmërinë dhe fleksibilitetin e rezervave”, thotë Tillett.

Gopaul shton se menaxhimi i rezervave është bërë “jashtëzakonisht i rëndësishëm”. Sipas tij, edhe pse vëmendja përqendrohet shpesh te rreziqet e mundshme që lidhen me juridiksione të caktuara, si SHBA-ja, një pjesë e arsyes për këto vendime është siguri që ari të jetë sa më afër vendit të origjinës dhe në një qendër tregtare që funksionon me shpejtësi.

Ai thekson se banka qendrore holandeze e zhvendosi arin në Londër dhe jo në Holandë, sepse Britania e Madhe është “një nga qendrat më likuide dhe më aktive të tregtimit të arit në botë”.

“Ideja është që në rast krize apo periudhash me tensione të larta, ky ar të mund të përdoret dhe të vihet në dispozicion shpejt”, thotë ai. “Londra është praktikisht zemra e tregut botëror të arit. Aty zhvillohet një aktivitet i jashtëzakonshëm dhe tregu është shumë likuid, ndaj në kohë krize dëshironi që ari juaj të ndodhet pikërisht aty.”

Banka e Anglisë është një nga institucionet më të mëdha në botë për ruajtjen e arit. Vlerësohet se në depot e saj ndodhen rreth 400.000 shufra ari, me një vlerë prej afërsisht 270 miliardë dollarë.

Pikëpyetjet rreth SHBA-së

Megjithëse zhvendosja e arit në një qendër si Londra ka avantazhet e veta për institucionet evropiane, është e qartë se dyshimet mbi besueshmërinë e SHBA-së në epokën e Trumpit dhe mbi sistemin financiar amerikan në tërësi po ndikojnë gjithnjë e më shumë në vendimmarrje.

Javën e kaluar, drejtuesi i fondit sovran të pasurisë së Norvegjisë, me vlerë rreth 2,3 trilionë dollarë, deklaroi se fondi duhet të ulë ndjeshëm ekspozimin e tij ndaj obligacioneve të Thesarit amerikan. Ky qëndrim duket se lidhet me shqetësimet për tregun e bonove qeveritare amerikane, ku inflacioni i lartë dhe rritja e borxhit publik kanë shtuar kostot e huamarrjes dhe kanë nxitur pasigurinë e investitorëve.

Tillett thotë se ari vazhdon të ndikohet nga vendimet e Rezervës Federale të SHBA-së dhe se shqetësimet e përgjithshme për tregjet financiare amerikane po i shtojnë mbajtësit e arit të rishikojnë vendndodhjen e rezervave të tyre.

Përveç këtyre shqetësimeve financiare, retorika e Trumpit lidhur me Grenlandën dhe kërcënimet e vazhdueshme, ndonëse të tërthorta, ndaj Bashkimit Evropian, kanë shtuar arsyet

pse institucionet evropiane duan te ripozicionojne asetet e tyre.

Megjithatë, Shtetet e Bashkuara, dhe veçanërisht Banka Federale e Rezervës së Nju-Jorkut në Manhattan, mbeten ende një nga ruajtëset kryesore të arit evropian, sidomos për Gjermaninë. Edhe pse Bundesbank riktheu në Gjermani rreth 300 tonë ar nga SHBA-ja midis viteve 2013 dhe 2017, ajo ende mban më shumë se 1.000 tonë ar në territorin amerikan.

Vitin e kaluar, Bundesbank deklaroi në një njoftim zyrtar: “Nuk kemi asnjë dyshim se Banka Federale e Rezervës së Nju-Jorkut është një partner i besueshëm dhe i sigurt për ruajtjen e rezervave tona të arit.” /DW

Etiketa: ar banka europiane SHBA

Lajme të lidhura



Rusia dhe Kina vendosin veton ndaj SHBA-së në OKB, bllokohet monitorimi i sanksioneve ndaj Iranit

08:27 : 18/09/2026



“Nuk kam lobuar për veten”/ Berisha tregon prapaskenat e heqjes së ndalimit në SHBA

21:54 : 17/09/2026



Uashingtoni zbuloi armët në orbitë, Kina kërkon çmilitarizimin e hapësirës

16:30 : 16/09/2026




“E respektojmë aktgjykimin”/ SHBA reagon pas vendimit të Hagës: Të shmangjet retorika nxitëse

15:52 : 16/09/2026



“Gjuetarë satelitësh”, “rrëmbyes robotësh” dhe “bllokime lazerësh”! Armët që SHBA ka vendosur në orbitë

10:10 : 16/09/2026



FBI zbulon planin rus për vrasje në SHBA dhe Europë

09:58 : 16/09/2026



RRETH NESH

Boldnews.al mbetet zgjedhja e parë për një lexues i cili kërkon të informohet me saktësi për një lajm. Misioni jonë kryesor është paanshëmëria dhe profesionalizmi dhe për këtë janë të punësuar gazetarët më të mirë në tregun mediatik.

Na kontakto:

NA NDIQ

